

Dadus relata 08 Maiu 2020

### SUMÁRIU

- Parte ida hosi servisu vijilánsia ba COVID-19, hahú foti ona amostra hosi paciente sira ne'ebé hatudu sintomas respiratóriu iha sentru saúde komunitáriu (SSK), postu saúde, no ospital referál iha munisípiu 13.

### Mantein Servisu Saúde Esensial durante pandemia COVID-19

- Ministériu Saúde dezenvolve ona matadalan nasonál hodi kontinua servisu imunizasaun durante estadu emerjénsia tanba pandemia COVID-19 tenki kumpri halo distánsia fíziku. Ho apoiu tékniku no finanseiru hosi OMS, UNICEF, no GAVI, Ekipa MS (ne'ebé kompostu mós hosi ofisiais OMS no UNICEF) sei hala'o vizita ba munisípiu 13 no hala'o sensitizasaun hodi orienta no introdús pontu fokál EPI kona-ba matadalan, ne'ebé maka dezenvolve bazeia ba matadalan OMS nian kona-ba mantein servisu saúde esensial iha pilár 9 nia okos hosi COVID-19 nia planu estratéjia ba Prontidaun no Responde.
- Alende, MS, ho apoiu finanseiru hosi OMS, UNICEF, no GAVI mós fornese ba pesoál saúde liña oin *pulsa telephone* ba kada fulan hahú iha 01 Maiu ne'ebé sei utiliza hodi halo diseminaasaun informasaun koordinadu liuhosi SMS ba inan ho aman sira, hodi fó hanoin ba inan ho aman sira atu lori oan sira ba simu vasina, no importánsia hosi vasina.
- Ministériu Saúde no Hospital Nacional Guido Valadares (HNGV) ho apoiu tékniku hosi OMS hala'o treinamentu ba jestaun kazu dengue ba pesoál saúde sira iha sentru saúde komunitáriu (SSK) Aileu. Partisipante liu hosi nain 20 mak tuir treinamentu ida ne'e.
- OMS fó apoiu ba Ministériu Saúde hodi bele kontinua manteina servisu saúde esensial ba HIV, rastreamentu ba Hepatitis B no Hepatitis C, Vasina ba Hepatitis B no tratamentu ba Hepatitis C ba populasaun xave/sira ne'ebé iha risku aas liuhosi vasina ba Hepatitis B no *viral load cartridges*. Kontinuasaun hodi tratamentu ba paciente HIV no halo rastreamentu ba Hepatitis B no Hepatitis C, Vasina ba Hepatitis B no tratamentu ba Hepatitis C nuudar servisu saúde esensial ida ne'ebé tenki kontinua mantein durante pandemia COVID-19.
- Dezde loron 05 Maiu, loron mundiál ba ijiene liman no loron internasionál ba parteira sira, parteira no enfermeirus sira liu hosi ema nain 75 iha Munisípiu Dili mak hetan ona treinamentu kona-ba

### SITUASAUN IHA NÚMERU

Totál no kazu (foun) iha Timor-Leste

**24** konfirmadu (foun 0)

**0** mate

(Bazeia ba dadus ne'ebé públika iha [Centro Integrado Gestao de Crise](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

### SITUASAUN GLOBÁL

Totál kazu (foun) iha oras 24 nia laran

### Globalmente

**3 672 238** konfirmadu (83 465)

**254 045** mate (6539)


### AVALIASAUN RISKU OMS

Nivel Globál    Aas tebes

importánsia hosi ijiene liman. Durante fulan Maiu tomak, sei hala’o kampaña ijiene liman iha munisípiu 13 hotu.




Data notifikasaun kazu foun no kumulativu COVID-19 iha Timor-Leste



Source : Direcção Nacional Controlo de Doenças - Departamento Vijilansia Epidemiologia

## Situasaun Nasional Kazu : COVID-19 Timor-Leste

(Kumulative figures)



Source : Direcção Nacional Controlo de Doenças - Departamento Vijilansia Epidemiologia

## Sumáriu Global

OMS no UNICEF no International Federation of the Red Cross públika ona matadalan ba nasaun hotu oinsá atu mantein facilidade saúde bazeia iha comunidade iha kontestu COVID-19. Ida ne'e mós komplementa padraun Nasoins Unidas nian ba responde sosio-ekonómiku ba COVID-19

---

## OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
  - Haforsa Sistema vijilánsia no aumenta kapasidade laboratóriu hodi detekta kazu COVID-19;
  - Garante katak halo tuir duni padraun ba infesaun prevensaun no kontrolu (IPC) ne'ebé rigorozu tebes no hasa'e kapasidade ba IPC nian;
  - Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
  - Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
  - Hamenus impaktu sosiál no ekonómiku liuhosi parseria multisetorál.
- 

## REKOMENDASAUN NO KONSELLU BA PÚBLIKU

### Fase ita-nia liman bebeik

Fase ita-nia liman ho dezinfetante ka fase ho sabaun no bee

**Tansá?** Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

### Mantein distánsia fiziku

Mantein distánsia fiziku pelumenus metru 1 (pasu 3) distánsia hosi ita nian a'an no ema seluk.

**Tansá?** Wainhira ema me'ar ka fani sira bele hada'et mós ho been turuk ki'ik sai husi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk been ne'e, inklui ho virus COVID-19 karik ema ne'ebé me'ar infetadu hela.

### Evita ka'er ita nia matan, inus no ibun

**Tansá?** Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

### Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

**Tansá?** Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

**Se ita-boot isin-manas, me'ar no dada iis araska, buka lalais tratamentu**

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

**Tansá?** Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

**Buka hatene informasaun no halo tuir konsellu ne'ebé pesoál saúde sira hatoo**

Buka hatene nafatin informasaun ba dezvoltamentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia aan no ho ema seluk husi COVID-19.

**Tansá?** Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje aan.

Ba matadalan kona-ba medida preventiva seluk disponivel iha [ne'e](#).

---

**Informasaun COVID-19 Information no kontaktu média:**

- Ministériu Saúde estabelese ona número hotline – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
  - Alende ne'e, [Pájjina Facebook MS](#) nian fornese atualizasaun loloos kona-ba dezvoltamentu COVID-19 iha rai laran
  - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba [singhsho@who.int](mailto:singhsho@who.int) no [hasane@who.int](mailto:hasane@who.int)
-